

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj:01-05-6-1790-3/17
Datum: 20.09.2017.godine

**OPĆINSKO VIJEĆE
O V D J E**

PREDMET: Mišljenje na vijećničku inicijativu, d o s t a v l j a s e , -

Na 10.sjednici Općinskog vijeća Tešanj koja je održana 27.07.2017.godine **vijećnica Alić Munevera** je postavila vijećničku inicijativu:

„Klub vijećnika Stranke za Bosnu i Hercegovinu Tešanj, pokreće inicijativu za izgradnju na području Općine Tešanj, spomen obilježja genocida, počinjenog u Bosni i Hecegovini.“

MIŠLJENJE


Na osnovu sudskih presuda na teritoriji Bosne i Hercegovine ograničeni genocid je dokazan i potvrđen samo u Srebrenici gdje i postoji spomen obilježje. Dakle, tamo gdje se prema presudi Međunarodnog suda u Hagu desio genocid tamo i postoji obilježje. Podsjećanje na genocid u Srebrenici u našoj općini može se prepoznati kroz imenovanje ulica. Naime, u Tešnju i Jelahu ukupno dvije ulice nose naziv Srebrenička. Na sličan način (imenovanjem trga ili ulice postupila je velika većina općina u BiH, pa i izvan BiH). Sve aktivnosti na pomoći ili sudjelovanje u obilježavanju godišnjice genocida nećemo detaljnije predstavljati, jer su vijećnici i šira javnost upoznati s tim (natpis na Gradini, sufinansiranje organizacije u Srebrenici, učešće 30-tak osoba u više grupa u Maršu mira, razmjena učenika i druga podrška onima koji su preživjeli genocid...).

Na području Općine Tešanj postoje izgrađena spomen obilježja u svakoj mjesnoj zajednici i pravljena su kao znak sjećanja na poginule borce u agresiji na BiH 1992.-1995. godina pri čemu su uobzirene i civilne žrtve rata. Takođe, postavljeno je i nekoliko obilježja za civilne žrtve rata, a Odlukom o čuvanju tekovina uređeni su određeni lokaliteti blizu ili na linijama razdvajanja-sukoba, tako da ukupno imamo oko 35 obilježja različitog izgleda i vrste širom općine.


Poštujemo želju i ideju predlagača da se stalno podsjeća na počinjeni genocid u Bosni i Hercegovini i da se istina sačuva od zaborava i negiranja. Ipak, nismo sigurni da je najbolji način praviti nove spomenike. Smatramo važnijim da istina i svijest o genocidu postoji u srcu i glavi svih stanovnika općine Tešanj i Bosne i Hercegovine. Pojednostavljeno, vjerovatno je veća korist za budućnost Bosne i Hercegovine i naše općine (time i očuvanja istine o genocidu), da svaka mlada, pa i odrasla osoba posjeti Memorijalni centar u Potočarima.

OBRADIVAČ

**Služba za boračko-invalidsku zaštitu i opće
poslove**


Sabahudin Omerbašić

OPĆINSKI NAČELNIK


Mr. sci. Suad Huskić



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK

Broj: 01-05-6-1791-3/17
Datum: 22.9.2017.godine

OPĆINSKO VIJEĆE TEŠANJ

Predmet: Mišljenje o inicijativi, dostavlja se,-

Na 10.sjednici Općinskog vijeća Tešanj koja je održana 27.7.2017.godine vijećnik Hrnjić Muris je postavio vijećničku inicijativu: „Iniciramo da nadležna općinska služba uvede u praksu da se građanima koji nemaju stalno prebivalište na području općine Tešanj, naplaćuje ovjera fotokopija dokumenata?“


Mišljenje o inicijativi:

Nadležnost za određivanje visine takse i uslova za oslobađanje je Općinskog vijeća, a ne općinske službe. Prije nego je podnesena inicijativa, u sklopu redovnih aktivnosti vršena je analize primjene Odluke o administrativnim taksama i naknadama, a samim tim i odredbe na koju se odnosi inicijativa. Nakon analize pokrenuta je procedura za izmjenu i dopunu navedene Odluke, kako bi se olakšala primjena same Odluke.


Inicijativa se smatra prihvatljivom i ista je uvrštena u Prijedlog Odluke koja se dostavlja na 11. sjednicu Općinskog vijeća.

Dostavljeno:

1. Naslov
2. Arhiva


OPĆINSKI NAČELNIK

mr. sc. Suad Huskić



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK

Broj: 02-05-6-1793-2/17
Datum: 10.09.2017. godine

OPĆINSKO VIJEĆE
O V D J E

Predmet: Odgovor na vijećničko pitanje, d o s t a v l j a s e , -

Na 10. sjednici Općinskog vijeća Tešanj održanoj 27.07.2017. godine vijećnik Piro Amir postavio je sljedeće vijećničko pitanje:

„Da li u općini Tešanj postoji služba koja bi mogla na adekvatan način zaštititi, usmjeriti ili edukovati građane općine iz ruralnih sredina, od štete na usjevima koje pričinjavaju divlje svinje i da li općina može na bilo koji način „zaštititi“ mještane sa područja gdje su se pojavili ovi problemi.“

ODGOVOR

Shodno Zakonu o lovstvu, lovstvo je u nadležnosti Ministarstva za poljoprivredu, šumarstvo i vodoprivredu. Nadležno ministarstvo daje na korištenje lovišta, a korisnik lovišta na području naše općine je lovačko društvo „Kiseljak“ Tešanj. U slučaju šteta na usjevima od divljih svinja, zahtjev za nadoknadu štete sa potrebnom dokumentacijom se podnosi nadležnom ministarstvu. Ministarstvo imenuje Komisiju koja na licu mjesta utvrđuje da li su vlasnik parcele i korisnik lovišta poduzeli sve propisane mjere, a naknadu štete snosi korisnik lovišta. Lovачko društvo u cilju zaštite stanovnika i usjeva, organizuje hajke na divlje svinje, o čemu obavijesti mještane određenog područja kako bi pomogli u organizaciji hajke.


Ukoliko se stranka obrati u Općinu i prijavi pojavu i/ili štete od divljih svinja, dobije uputu i obrazac zahtjeva za naknadu štete, a o pojavi divljih svinja obavijesti lovačko društvo kako bi organizovalo hajku.

OBRADIVAČ

Služba za finansije, privredu, komunalne i
inspeksijske poslove
Hamzaliya Hojkurić, dipl.ecc.

OPĆINSKI NAČELNIK

Mr. sci. Suad Huskic



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-05-6-1600-3/17

Datum: 08.09.2017.godine

**OPĆINSKI NAČELNIK
O V D J E**

PREDMET: Odgovor na vijećničko pitanje, traži se

Na 10. sjednici Općinskog vijeća Tešanj koja je održana 27.07.2017.godine **vijećnik Jupić Mirano se** izjasnio da nije zadovoljan odgovorom na vijećničko pitanje: „Na koji način nadležne Općinske službe su reagovale, kada je u pitanju učestalo spaljivanje nepoznate materije na području MZ Bobare – MZ Piljužići? Jesu li nadležne Općinske službe, poduzele konkretne aktivnosti u utvrđivanju počinioca navedenih radnji, te adekvatno sankcionisanje istoga?“, jer u odgovoru nije navedeno koga su otkrili, koje su aktivnosti provedene, da li je počinitelj sankcionisan, te s toga ponovo postavlja isto pitanje.

Odgovor:

Općinska inspekcija je poduzela konkretne radnje na otkrivanju počinioca. Učestalim obilascima terena otkrila je dva počinioca od čega jedno preduzeće za prodaju rabljenih vozila i poduzela je konkretne radnje na način da počinioci nabave tipske posude za odlaganje smeća i zaključe ugovor o odvozu i deponovanju smeća sa JP “RAD” d.d. Tešanj. Počinioci nisu novčano kažnjavani budući da oni koji su pronađeni nisu ponovili prekršaj.

Dostavljeno:

1. Općinsko vijeće,
2. Arhiva.

OBRADIVAČ:


Služba za finansije, privredu, komunalne i
inspekcijske poslove

Hamzaliya Hojkurić dipl.ecc.

PREDLAGAČ:

OPĆINSKI NAČELNIK

Mr. Sc. Suad Huskić



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-05-6-1795-2/17
Datum, 18.08.2017. godine

OPĆINSKO VIJEĆE TEŠANJ

**Predmet: Odgovor na vijećničko pitanje
d o s t a v l j a s e-**

Dopisom od 31.07.2017. godine vijećnik Mirano Jupić iz DF je postavio vijećničko pitanje:

“ Na koji način nadležne Općinske službe postupaju i rješavaju problematiku ambrozije na području općine Tešanj u 2017. godini. Postoji li strategija za suzbijanje ambrozije?”


Odgovor:


Odlukom Vlade Federacije Bosne i Hercegovine o mjerama za sprečavanje širenja i uništavanje korovske biljne vrste ambrozije V broj: 509/09 od 16.07.2009. godine, mjere za sprječavanje širenja i uništavanje ambrozije provode vlasnici i korisnici zemljišta, kao i subjekti koji upravljaju javnim površinama i koji održavaju javne površine. Prema tome, svi u zajednici smo odgovorni za suzbijanje širenja ambrozije.

Općinske službe su u više navrata izdavale naloge za košenje javnih površina i putnih pojaseva. Ukupno je pokošeno oko 25.000 m² bankina.

Dostavljeno:

1. Općinsko vijeće
2. Arhiva


OPĆINSKI NAČELNIK
Mr. sci. Suad Huskić
Mr. sci. Suad Huskić



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK

Broj: 02-05-6-1794-2/17

Datum: 17.08.2017. godine

OPĆINSKO VIJEĆE
O V D J E

PREDMET: Odgovor na vijećničko pitanje, d o s t a v l j a s e , -

Na 10. sjednici Općinskog vijeća Tešanj koja je održana 27.07.2017.godine vijećnik Jupić Mirano je postavio vijećničko pitanje koje glasi:

„S obzirom da je u pitanju „Ljetni“ period, te da je povećano tretiranje „Pitke vode“ hlorom – hlorisanje. Postoje li JP „Rad“ Tešanj, standarde i norme „Hlorisanja“ vode, koja se koristi u domaćinstvima građanja Općine Tešanj?“

ODGOVOR:

JP "Rad" Tešanj posjeduje vlastitu laboratoriju certificiranu po standardu EN ISO 17025 u kojoj svakodnevno vrše analize vode koju JP "Rad" isporučuje putem vodovodnog sistem krajnjim potrošačima. U svrhu dodatne kontrole JP "Rad" ima ugovor sa Higijensko-epidemiološkom službom Dom zdravlja Tešanj po kojem ovlaštena lica iz Higijensko-epidemiološke službe svakodnevno uzorkuju vodu iz vodovodnog sistema i kontrolišu koncentraciju rezidualnog hlora na 7 mjernih mjesta u vodovodnom sistemu.

O provedenim ispitivanjima uzoraka vode JP "Rad" i Higijensko-epidemiološka služba redovno dostavlja izvještaje Službi za finansije, privredu, komunlne i inspeksijske poslove Općine Tešanj. Iz dostavljenih izvještaja može se konstatovati da JP "Rad" poštuje proceduru dezinfekcije vode hlorom jer koncentracije rezidualnog hlora ne prelazi MDK (maksimalna dozvoljena koncentracija) od 0,5 mg/l.


OBRADIVAČ


Služba za finansije, privredu, komunlne i
inspeksijske poslove

Hamzaliya Hojkurić, dipl.ecc.

OPĆINSKI NAČELNIK

Mr. sci. Suad Huskić





**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 01-05-6-1792-2/17

Datum: 21.08.2017.godine

**OPĆINSKI NAČELNIK
O V D J E**

PREDMET: Odgovor na vijećničko pitanje, traži se

Na 10. sjednici Općinskog vijeća Tešanj koja je održana 27.07.2017.godine vijećnik Huskić Kasim je postavio vijećničko pitanje u vezi izgrađene farne za uzgoj brojlera (pilića) u MZ Jelah u naseljenom mjestu Potočani u kojoj se svaki dan u večernjim satima do kasno u noć gotovo do jutro vrši provjetranje objekta sa ispuštanjem nesnošljivog mirisa, koji ugrožava stanovništvo i nameće nemoguće uslove normalnog življenja u tom području. Vani se ne može sjediti niti provjetriti objekti.

Vijećničko pitanje glasi:

„Da li se može izdati dozvola za gradnju u urbanom području kao što je MZ Jelah, za takvu namjenu i ko je izdao, da li se poštuju uslovi iz dozvole i da li se primjenjuje okolinska dozvola ili je forme radi?“

Odgovor:

Rješenje o odobrenju izgradnje za ovaj tip farmi donosi Ministarstvo za prostorno uređenje, promet i komunikacije i zaštitu okoline Ze-Do kantona na osnovu mišljenja Služba za katastar, urbanizam i imovinsko-pravne poslove općine Tešanj. Nadzor nad poštivanjem uslova iz izdatih dozvola (građevinske i okolinske) vrši Kantonalna uprava za inspekcijske poslove Ze-Do kantona – inspektori zaštite okoline i građevinsko urbanistički.

Upućen je upit Kantonalnoj upravi za inspekcijske poslove:“da dostave detaljnu informaciju da li se poštuju uslovi iz građevinske dozvole i da li se primjenjuje okolinska dozvola za farmu u Potočanima?“

Dostavljeno:

1. Općinsko vijeće,
2. Arhiva.

OBRADIVAČ:


Služba za finansije, privredu, komunalne i
inspekcijske poslove

Hamzalija Hojkurić dipl.ecc.

PREDLAGAČ:

OPĆINSKI NAČELNIK

Mr. Sc. Suad Huskić



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK
Služba za finansije, privredu, komunalne i inspeksijske poslove

Broj: 01-05-6-1792-3/17

Datum: 31.08.2017. godine

Kantonalna uprava za inspeksijske
poslove ZE-DO kantona
Zenica

Predmet: Zahtjev za informacijom o poštivanju uslova iz građevinske i okolinske dozvole za farme.-


Zaprimili smo vijećničko pitanje u vezi izgrađene farme za uzgoj brojlera (pilića) u MZ Jelah u naseljenom mjestu Potočani u kojoj se svaki dan u večernjim satima do kasno u noć gotovo do jutra vrši provjetranje objekta sa ispuštanjem nesnošljivog mirisa, koji ugrožava stanovništvo i nameće nemoguće uslove normalnog življenja u tom području. Vani se ne može sjediti niti provjetriti objekti.

Molimo vas da nam odgovorite na sljedeće iz vijećničkog pitanja: „...da li se poštuju uslovi iz građevinske dozvole i da li se primjenjuje okolinska dozvola ili je forme radi?“


S poštovanjem !

Dostavljeno:

1. Imenovano
2. Arhiva



KOMUNALNO-VODNI INSPEKTOR:


SEDAD Alićehajić, dipl.ing.grad.